

# ՄԻԱՍՆՈՒԹՅԱՆ ԿԱՐԳԱԽՈՍՈՎ

(ՀԱՅ ՄՏԱՎՈՐԱԿԱՆՈՒԹՅԱՆ ԱՌԱՋԻՆ ՀԱՄԱԺՈՂՈՎԸ)

Սեպտեմբերի 9-ին Երևանում, Գ. Սունդուկյանի անվան ակադեմիական թատրոնի դահլիճում իրենց առաջին համաժողովին էին հավաքվել հանրապետության մայրաքաղաքի և շրջանների, Արցախի, ներքին սփյուռքի մտավորականության ավելի քան հազար ներկայացուցիչներ՝ գրականության, արվեստի, գիտության, հասարակական գործիչներ՝ քննարկելու Հայաստանում, Արցախում, Ադրբեջանի հարաշատ վայրերում, մասնավորապես Գետաշեն գյուղում և Շահումյանի շրջանում, ինչպես նաև Բաքվում ստեղծված պայթյունավտանգ իրադրությունը, որը հղի է առճակատման իրական սպառնալիքով: Այսօր Հայաստանն ու Արցախը, որ իբրև իրենց արդար պահանջատիրության կռվաններ առաջ են քաշում պայքարի զուտ սահմանադրական, օրինական ձևեր, իրենք են հայտնվել հակասահմանադրական և հակաիրավական գործողությունների ոլորտում, շրջափակման մեջ, որն էլ ավելի է շիկացնում մթնոլորտը ռեզիդուում, ծանրացնում ադետայի երկրաշարժի հետևանքով տուժած Հայաստանի առանց այն էլ դժվարին կացությունը: Ուստի համաժողովը, իբրև առաջնահերթ նպատակներ, հռչակեց համայն հայության մտավորականների ջանքերի համախմբումն ու ներդաշնակումը, հայրենիք սփյուռք կապերի ամրապնդումը: Թեև համաժողովի նախաձեռնող խումբը հասկանալի պատճառներով ժամանակ չէր ունեցել հրավիրելու արտասահմանի հայ մտավորականության ներկայացուցիչների, սակայն որոշվեց սփյուռքի անվանի մի շարք գործիչների ընտրել համաժողովի ղեկավար մարմիններում: Կոչարվեց անհապաղ հրավիրել ՀԽՍՀ Գերագույն խորհրդի արտահերթ նստաշրջան, որը պետք է քննարկի ռեզիդուում առաջացած բարդագույն իրավիճակը:

Բացելով համաժողովը, պատմական գիտությունների դոկտոր Լ. Խուրշուդյանը նը-

շեց, որ հայ ժողովրդի պայքարի հաղթանակի գրավականը նրա բոլոր հատվածների միասնության մեջ է: Ստեղծված դրությունը նա բնորոշեց իբրև չհայտարարված պատերազմի վիճակ, Բաքվի մշտավորականության ներկայացուցիչների դիմումը, դեպի Արցախ, այսպես կոչված, «խաղաղության երթ» կազմակերպելու միտքը, որը խմորվում է հարևան հանրապետությունում, որակեց իբրև պրոպոկանդա:

Ընդարձակ զեկուցումով հանդես եկավ ՀԽՍՀ Գերագույն խորհրդի դեպուտատ, Հայաստանի ԳԱ թղթակից-անդամ, ԽՄԿԿ Կենտկոմի անդամներ կուսակցության պատմության ինստիտուտի հայկական մասնաճյուղի տնօրեն Հր. Սիմոնյանը: Քննության առնելով հայ ժողովրդի վերջին շուրջ մեկդարյա պատմության ճակատագրական էջերը, խճճված և մինչև օրս գիտական անաչառ ու ամբողջական գնահատության չարժանացած հանգուցահարցերը: Նա հանգամանորեն անդրադարձավ հատկապես Հայաստանի հանրապետության գոյության կարճատև ժամանակաշրջանին, Հայաստանի խորհրդայնացմանը հաջորդած իրադարձություններին, մայր հողերենիքից Արցախն ու Նախիջևանը ապօրինաբար անջատելուն (մասնավորապես, նա խիստ քննադատության ենթարկեց 1921 թ. մարտի 16-ին Խորհրդային Հայաստանի ներկայացուցիչների քաղաքականությանը, փակ դռների հետևում կնքված խորհրդա-թուրքական պայմանագիրը, որով Նախիջևանը հանձնվեց Ադրբեջանի ենթակայությանը): Ջեկուցողը վերլուծեց ներկայումս ստեղծված բարդ իրադրությունը, կոչ արեց պայքարել հանուն հանրապետության լիիրավ ինքնուրույնության, լինել երկրում ծավալված համադեմոկրատական շարժման առաջին շարքերում:

«Ղարաբաղ» կոմիտեի անդամ Վ. Սիրադեղյանը ընթերցեց Հայոց համազգային շարժման ողջույնը հայ մտավորա-

կանների համաժողովին, կոմիտեի հաշտարարությունը և հրապարակեց Արցախի ազգային խորհրդի նախագահ Վ. Գրիգորյանից ստացված նամակը:

Համաժողովը, որը, ի դեմս իր խորհրդի և նրա նախագահության, այսուհետև լինելու է մշտապես գործող մարմին, ընդունեց հռչակագրի (ղեկարացիա) նախագիծ, որտեղ շարադրված են արցախյան խնդրի էության և քաղաքական լուծման, Հայաստանի տնտեսական և քաղաքական ինքնուրույնության հասնելու, ավերիչ երկրաշարժի հետևանքների վերացման, ազգային լեզվի ու մշակույթի զարգացման ուղիների վերաբերյալ ծրագրային հիմնադրույթներ:

Հռչակագրի նախագիծը, որը դրվելու է հասարակական քննարկման, Արցախի խընդիրը դիտում է իբրև դեռևս անցյալ դարի 70-ական թվականներին միջազգայնացված հայկական հարցի անբաժան մաս և պահանջում նրա նկատմամբ կիրառել միջազգային իրավունքի հանրահայտ քաղաքական ու իրավական նորմերն ու սկզբունքները, իբրև համամարդկային արժեք ճանաչված ազգերի ինքնորոշման իրավունքը: Վերջինիս ոտնահարման այնպիսի կոպիտ դրսևորումներով, ինչպիսիք են սուվերենության ցեղասպանությունը, բռնագավթումները, բռնագաղթը, ահաբեկումներն ու քաղաքական պիտակավորումները, ՄԱԿ-ի կանոնադրության համաձայն «ազդեհայի գրծողություն» համարվող շրջափակումը, անկարելի է լուծել ազգամիջյան սուր պրոբլեմները:

Համաժողովում ելույթներ ունեցան և հռչակագրի նախագծում փոփոխություններ, լրացումներ մտցնելու առաջարկություններով հանդես եկան ԽՍՀՄ ժողովրդական դեպուտատներ, Հայաստանի Գեյրագույն խորհրդի դեպուտատներ, գրողներ, պատմաբաններ, արվեստագետներ, գիտնականներ, հոգևորական գործիչներ, ոչ ֆորմալ կազմակերպությունների ներկայացուցիչներ, նրանց թվում Բ. Դադամյանը, Լ. Խուրշուդյանը, Հ. Հակոբյանը, Ռ. Դավոնյանը, Ֆ. Սաֆարյանը, Ս. Մուրադյանը, Արցախի Հայոց թեմի առաջնորդ Պարզև եպիսկոպոսը, Լ. Հախվերդյանը, Գր. Ավագյանը, Ս. Խանգաղյանը, Ռ. Իշխանյանը, Լ. Հարությունյանը, Հ. Պողոսյանը և բազմաթիվ ուրիշներ:

Համաժողովում ելույթ ունեցավ և մասնակիցների հարցերին պատասխանեց Հայաստանի կոմկուսի Կենտկոմի քարտուղար Գ. Գալոյանը: Սեպտեմբերի 10-ին հայ մտավորականների առաջին համաժողովը ավարտեց իր աշխատանքը:

## «ԹԵԳՈՒՇԻՆ ՀԱՅՈՑ»-Ը ԳԵՐՄԱՆԵՐԵՆ



Վերջերս Բեռլինի «Նոնս Լեբեն» («Նոր կյանք») հրատարակչությունը լույս է բերել հայ անվանի գրող Սերո Խանգաղյանի «Թագուհին հայոց» պատմավեպը, որը հայերեն հրատարակել է «Սովետական գրող» հրատարակչությունը 1978 թվականին:

Հրատարակչությունն աչքի է ընկնում գեղեցիկ ձևավորմամբ, տպագրական բարձր կուլտուրայով: Գրքի բարձրմանությունն իրականացրել է Ռուպրեխտ Վիլնովը: